

KENYATAAN MEDIA**SWM ENVIRONMENT BERI BANTUAN RM30,000 PEMBELIAN BARANGAN
KEPERLUAN MELALUI PROGRAM SWM KASIH MISI SAMPUL MERAH**

MELAKA, 8 FEBRUARI 2024 – SWM Environment Sdn. Bhd. (SWM Environment) melalui entiti tanggungjawab sosial korporat (CSR) SWM Kasih Misi Sampul Merah telah menyumbang sejumlah RM30,000 kepada 200 orang penerima yang layak di negeri Melaka. Melalui kerjasama erat dengan Kerajaan Negeri, sumbangan ini diharapkan dapat membantu dan memberi keceriaan kepada mereka yang meraikan Tahun Baru Cina.

Tuan Haji Mohd Norlisam berkata, “Setiap keluarga yang menerima sumbangan ini akan memperoleh baucar tunai yang boleh digunakan di rangkaian pasaraya Speedmart berhampiran tempat mereka. Baucar ini boleh ditebus dalam tempoh setahun dari tarikh yang tercatat di atas baucar tersebut.

Sumbangan ini disampaikan oleh Pengurus Besar Korporat SWM Environment, Tuan Haji Mohd Norlisam bin Mohd Nordin kepada Yang Amat Berhormat Datuk Seri Utama Ab Rauf Yusoh, Ketua Menteri Melaka.

SWM Kasih Misi Sampul Merah adalah sebahagian daripada usaha berterusan SWM Environment untuk menyantuni golongan sasaran dalam mereka meraikan perayaan Tahun Baru Cina. SWM Environment akan terus aktif dalam pelbagai inisiatif kebajikan dan kelestarian khususnya di kawasan-kawasan perkhidmatannya.

“Sempena Tahun Baru Cina yang bakal menjelang tiba tidak lama lagi, orang ramai juga diingatkan untuk elakkan pembaziran makanan. Kami di SWM Environment menyeru orang ramai untuk mengamalkan aktiviti pengasingan sisa di punca dan kitar semula dalam kehidupan harian. Ianya adalah usaha bersama dalam menjaga kelestarian alam kita. Dengan bersama-sama melakukan langkah kecil ini, kita dapat mencipta impak positif yang besar pada persekitaran.” tambah beliau.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mulai tahun 2024, mata ganjaran yang terkumpul hanya sah untuk tempoh dua tahun dan boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com